

বাংলাদেশ স্কাউটস এর গঠন ও নিয়ম
দ্বিতীয় অধ্যায়
জাতীয় সংগঠন

১৫। জাতীয় কাউন্সিল

বাংলাদেশ স্কাউটসের একটি জাতীয় কাউন্সিল থাকবে। এ কাউন্সিল বাংলাদেশ স্কাউটসের সর্বোচ্চ নীতি নির্ধারণী পরিষদ। নিম্নলিখিত সদস্যদের নিয়ে এ কাউন্সিল গঠিত হবে।

- (ক) চীফ স্কাউট
- (খ) সভাপতি
- (গ) সহ-সভাপতি
- (ঘ) প্রধান জাতীয় কমিশনার
- (ঙ) কোষাধ্যক্ষ
- (চ) বাংলাদেশ স্কাউটস এর বিভিন্ন জাতীয় কমিটির সভাপতিগণ পদাধিকার বলে জাতীয় কাউন্সিলের সদস্য হবেন।^{২২}
- (ছ) জাতীয় কমিশনারগণ
- (জ) বাংলাদেশের সকল স্বায়ত্বশাসিত বিশ্ববিদ্যালয়ের মধ্য থেকে চলমান বছরে দেশের প্রশাসনিক বিভাগসমূহ থেকে পর্যায়ক্রমে একজন করে উপাচার্য জাতীয় কাউন্সিলের সদস্য হবেন। বাংলাদেশ স্কাউটসের সভাপতি ও প্রধান জাতীয় কমিশনার কর্তৃক যৌথ সিদ্ধান্তের মাধ্যমে এ উপাচার্যগণ জাতীয় কাউন্সিলের সাধারণ সভায় অংশগ্রহণের জন্য মনোনীত হবেন^৩।
- (ঝ) মহাপরিচালক, মাধ্যমিক ও উচ্চ শিক্ষা অধিদফতর
- (ঞ) মহাপরিচালক, প্রাথমিক শিক্ষা অধিদফতর
- (ট) মহাপরিচালক, কারিগরি শিক্ষা অধিদফতর^{২২}
- (ঠ) মহাপরিচালক, মাদরাসা শিক্ষা অধিদফতর^{২২}
- (ড) মহাপরিচালক, সমাজসেবা অধিদফতর
- (ঢ) সকল আঞ্চলিক স্কাউটসের সভাপতি
- (ণ) চেয়ারম্যান, বাংলাদেশ কারিগরি শিক্ষা বোর্ড
- (ত) চেয়ারম্যান, বাংলাদেশ মাদরাসা শিক্ষা বোর্ড
- (থ) শিক্ষা মন্ত্রণালয়ের প্রতিনিধি (উপ-সচিব পদমর্যাদার নিচে নয়)

বাংলাদেশ স্কাউটস এর গঠন ও নিয়ম

- (দ) যুব ও ক্রীড়া মন্ত্রণালয়ের প্রতিনিধি (উপ-সচিব পদমর্যাদার নিচে নয়)
- (ধ) জাতীয় উপ-কমিশনারগণ
- (ন) আঞ্চলিক কমিশনারগণ, বাংলাদেশ স্কাউটস, সকল অঞ্চল
- (প) জাতীয় নির্বাহী কমিটির সকল সদস্য
- (ফ) জাতীয় কমিশনার, বাংলাদেশ গার্ল গাইডস এসোসিয়েশন
- (ব) মহাসচিব, বাংলাদেশ রেড ক্রিসেন্ট সোসাইটি^২
- (ভ) আজীবন পৃষ্ঠপোষকদের মধ্য থেকে সভাপতি ও প্রধান জাতীয় কমিশনার কর্তৃক যৌথভাবে মনোনীত একজন আজীবন পৃষ্ঠপোষক সদস্য^৩
- (ম) আজীবন সদস্যদের মধ্য থেকে সভাপতি কর্তৃক মনোনীত পর্যায়ক্রমে একজন সদস্য
- (য) সাধারণ সদস্যদের মধ্য থেকে সভাপতি কর্তৃক মনোনীত পর্যায়ক্রমে একজন সদস্য
- (র) প্রধান জাতীয় কমিশনার কর্তৃক মনোনীত প্রত্যেক অঞ্চল থেকে একজন লিডার ট্রেনার
- (ল) আঞ্চলিক নির্বাহী কমিটি কর্তৃক মনোনীত প্রতিনিধিগণ :
প্রশাসনিক বিভাগ/মাধ্যমিক ও উচ্চ মাধ্যমিক শিক্ষা বোর্ড ভিত্তিক অঞ্চলের ক্ষেত্রে প্রতি চারটি উপজেলা/থানা সংগঠনকে এবং অন্যান্য অঞ্চলের ক্ষেত্রে প্রতি চারটি জেলা সংগঠনকে একক ধরে প্রতি একক অথবা তার ভগ্নাংশের জন্য একজন হিসেবে, প্রাপ্ত বার্ষিক পরিসংখ্যানের ভিত্তিতে আঞ্চলিক নির্বাহী কমিটি প্রতিনিধি নির্বাচন করে জাতীয় কাউন্সিলে প্রেরণ করবেন। তবে একক সংখ্যা যাই হোক, কোন অঞ্চল থেকে দু'জনের কম অথবা বিশ জনের বেশি প্রতিনিধি জাতীয় কাউন্সিলের সদস্য হবেন না।
- (শ) নির্বাহী পরিচালক^৪

১৬। কাউন্সিলের দায়িত্ব

জাতীয় কাউন্সিলের দায়িত্ব হবে নিম্নরূপ :

- (ক) 'গঠন ও নিয়ম'-এর প্রতিপালন ও সংরক্ষণ নিশ্চিত করা;
- (খ) বাংলাদেশ স্কাউটসের কর্মদক্ষতা ও শৃঙ্খলা বজায় রাখা;
- (গ) সকল স্তরের স্কাউট এবং সমভাবাপন্ন ও অভিন্ন লক্ষ্যে পরিচালিত অরাজনৈতিক, অসাম্প্রদায়িক ও অসামরিক সংগঠনসমূহের সঙ্গে সম্প্রীতি ও সহযোগিতার মাধ্যমে স্কাউট আন্দোলন জোরদার করে তোলা;

বাংলাদেশ স্কাউটস এর গঠন ও নিয়ম

- (ঘ) স্কাউটিং উন্নয়নে পঞ্চবার্ষিক ও প্রেক্ষিত পরিকল্পনার রূপরেখা অনুমোদন করা;
- (ঙ) জাতীয় নির্বাহী কমিটির সংশ্লিষ্ট পদে কর্মকর্তা নির্বাচন করা;
- (চ) প্রয়োজন অনুসারে 'গঠন ও নিয়ম'-এর পরিবর্তন, পরিবর্ধন, সংযোজন ও সংশোধন করা।
- (ছ) বার্ষিক কার্যাবলীর প্রতিবেদন ও নিরীক্ষিত আয়-ব্যয়ের হিসাব অনুমোদন এবং বার্ষিক বাজেট অবহিতকরণ।

১৭। জাতীয় কাউন্সিলের মেয়াদ

জাতীয় কাউন্সিলের মেয়াদ নির্বাচনের তারিখ থেকে তিন বছর হবে। অপরিহার্য কারণে এর মেয়াদ অনধিক ৬ (ছয়) মাস বৃদ্ধি করা যাবে এবং এ বর্ধিত সময়সীমার মধ্যে ত্রৈবার্ষিক কাউন্সিলের সাধারণ সভা অবশ্যই অনুষ্ঠিত হতে হবে।

১৮। শূন্যপদ ও শূন্যতা পূরণ

- (ক) নিম্নবর্ণিত কারণে জাতীয় কাউন্সিলের সদস্যপদ বাতিল বা শূন্য ঘোষিত হবেঃ
 - ১) বাংলাদেশের নাগরিকত্ব হারালে;
 - ২) লিখিতভাবে ইস্তফা দিলে;
 - ৩) কোন সদস্যের মৃত্যু হলে;
 - ৪) বৈধভাবে আছত কোন কাউন্সিল সভায় উপস্থিত সদস্যদের দু'তৃতীয়াংশ কারো অস্কাউটসুলভ আচরণ বা এ আন্দোলনের বিরুদ্ধাচারণের জন্য তার অপসারণের সিদ্ধান্ত নিলে;
 - ৫) গুরুতর অপরাধে আদালত কর্তৃক শাস্তিপ্রাপ্ত হলে;
 - ৬) মানসিক ভারসাম্য হারালে;
 - ৭) মনোনীত সদস্যদের ক্ষেত্রে মনোনয়ন প্রত্যাহত হলে;
- (খ) কাউন্সিলের কোন সদস্যের পদ সাময়িকভাবে খালি হলে কাউন্সিলের পরবর্তী বার্ষিক সাধারণ সভা পর্যন্ত কাজ চালিয়ে নেয়ার জন্য জাতীয় নির্বাহী কমিটি সহযোজনের মাধ্যমে শূন্যপদ পূরণ করতে পারবে। মনোনীত সদস্যের ক্ষেত্রে তাঁদের মনোনয়নদানকারী কর্তৃপক্ষের নিকট থেকে শূন্য পদের জন্য পুনরায় মনোনয়ন নিতে হবে।

১৯। জাতীয় কাউন্সিল সভা

- (ক) জাতীয় কাউন্সিল বছরে একবার বার্ষিক সাধারণ সভায় মিলিত হয়ে অন্যান্য বিষয়ের সঙ্গে নিম্নবর্ণিত কার্যাবলী সম্পাদন করবে :

বাংলাদেশ স্কাউটস এর গঠন ও নিয়ম

- ১) নির্বাহী কমিটি কর্তৃক অনুমোদিত বাংলাদেশ স্কাউটসের চলতি বছরের বাজেট ও বিগত বছরের আয়-ব্যয়ের হিসাব অবগতি ও বার্ষিক কার্যাবলীর প্রতিবেদন ও তার আগের বছরের আয়-ব্যয়ের নিরীক্ষা প্রতিবেদন পর্যালোচনা ও অনুমোদন;
 - ২) সভাপতি, সহ-সভাপতি, কোষাধ্যক্ষ ও প্রধান জাতীয় কমিশনারের পদ শূন্য হলে বাকী মেয়াদের জন্য তা পূরণার্থে নির্বাচন/সুপারিশ;
 - ৩) কোন সদস্যের পদ শূন্য বা বাতিল ঘোষিত হলে সে পদ পূরণ;
 - ৪) জাতীয় নির্বাহী কমিটি কর্তৃক উপস্থাপিত আলোচ্য বিষয়ে সিদ্ধান্ত গ্রহণ;
 - ৫) প্রাসঙ্গিক বিষয়ে প্রশ্ন উত্থাপন;
- (খ) প্রতি তিন বছর অন্তর অনুষ্ঠেয় কাউন্সিলের বার্ষিক সাধারণ সভা ত্রৈ-বার্ষিক সাধারণ সভা নামে অভিহিত হবে। এরূপ বার্ষিক সাধারণ সভায় নিয়মিত কার্যাবলীর সঙ্গে নিম্নবর্ণিত কার্যাদি সম্পাদিত হবেঃ
- ১) সভাপতি, সহ-সভাপতি, কোষাধ্যক্ষ এবং নির্বাহী কমিটিতে কাউন্সিলর প্রতিনিধি নির্বাচন;
 - ২) প্রধান জাতীয় কমিশনার নিয়োগের সুপারিশ;
 - ৩) অডিটর নিয়োগ।
- (গ) নির্বাচন পরিচালনা পরিষদ ঃ
- নির্বাচন পরিচালনা করার জন্য জাতীয় কাউন্সিলের সদস্য হবার যোগ্য এমন তিন জন সদস্য নিয়ে একটি নির্বাচন পরিচালনা পরিষদ গঠন করা যাবে। একজন নির্বাচন পরিচালনা পরিষদের প্রধান ও অন্য দু'জন সদস্য হিসেবে দায়িত্ব পালন করবেন। নির্বাহী কমিটি নির্বাচন পরিচালনার সকল প্রকার নীতিমালা চূড়ান্ত করবে। ত্রৈ-বার্ষিক কাউন্সিলের সাধারণ সভার অন্ততঃ এক মাস পূর্বে জাতীয় নির্বাহী কমিটি কর্তৃক নির্বাচন পরিচালনা পরিষদ গঠিত হবে।
- (ঘ) বার্ষিক সভা ছাড়াও চীফ স্কাউট অথবা সভাপতির অনুমতিক্রমে বিশেষ প্রয়োজনে জাতীয় কাউন্সিলের বিশেষ সভা ডাকা যাবে।
- ১৯.১। জাতীয়, অঞ্চল, জেলা ও উপজেলা পর্যায়ে নির্বাচিত, সুপারিশকৃত ও মনোনীত পদসমূহে একই ব্যক্তি একই পদে/একই বিভাগে

বাংলাদেশ স্কাউটস এর গঠন ও নিয়ম

একাধিক্রমে ৩ (তিন) মেয়াদের বেশি নির্বাচিত/ সুপারিশকৃত/ মনোনীত হতে পারবেন না।

২০। সভার কার্যপদ্ধতি

- (ক) জাতীয় কাউন্সিলের বার্ষিক সাধারণ সভা ও ট্রে-বার্ষিক সাধারণ সভা ডাকার জন্য সভার স্থান, তারিখ, সময় ও আলোচ্যসূচি উল্লেখ করে কাউন্সিল সদস্যদের দেয়া ঠিকানায় জাতীয় সদর দফতর কর্তৃক সার্টিফিকেট অব পোষ্টিং-এ ১৫ (পনের) দিনের নোটিশ পাঠাতে হবে।
- (খ) বিশেষ সভার ক্ষেত্রে চীফ স্কাউট অথবা সভাপতির লিখিত নির্দেশ মোতাবেক সভার স্থান, তারিখ, সময় ও আলোচ্যসূচি উল্লেখপূর্বক ৭ (সাত) দিনের লিখিত নোটিশ দিতে হবে।
- (গ) বার্ষিক সাধারণ সভা, ট্রে-বার্ষিক সাধারণ সভা এবং বিশেষ সভায় মোট সদস্যের এক-তৃতীয়াংশের উপস্থিতিতে কোরাম হবে।
- (ঘ) সভা শুরু হওয়ার আধা ঘণ্টার মধ্যে কোরাম না হলে সভার কাজ ঐ দিনের মত মুলতবী হয়ে যাবে। মুলতবী সভা পরদিন একই সময়ে একই স্থানে একই আলোচ্যসূচির ভিত্তিতে অনুষ্ঠিত হবে। এরূপ মুলতবী সভার জন্য কোন কোরামের দরকার হবে না।
- (ঙ) সভাপতি অথবা সহ-সভাপতি উপস্থিত না থাকলে প্রধান জাতীয় কমিশনার এবং তিনিও উপস্থিত না থাকলে উপস্থিত সদস্যদের মধ্য থেকে নির্বাচিত একজন সভায় সভাপতিত্ব করবেন।
- (চ) কোন বিষয়ে সভাপতি অথবা প্রধান জাতীয় কমিশনার জাতীয় কাউন্সিলের সঙ্গে একমত না হলে বিষয়টি চীফ স্কাউটের নিকট পাঠাতে হবে এবং এরূপ ক্ষেত্রে তাঁর মতামতই চূড়ান্ত বলে বিবেচিত হবে।
- (ছ) সাধারণভাবে সদস্যগণ ধ্বনি ভোটে অথবা হাত উচিয়ে আলোচ্য বিষয়গুলোর নিষ্পত্তি করবেন। কোন বিষয়ে ডিভিশন দাবী করা হলে এক ব্যক্তি এক ভোট ভিত্তিতে ব্যালটে নিষ্পত্তি করা হবে। অনুপস্থিত সদস্যের তরফ থেকে কোন ভোট গ্রহণীয় হবে না। কোন বিষয়ে উভয় দিকে সমান ভোট পাওয়া গেলে সভার সভাপতি বিষয়টি নিষ্পত্তির জন্য নিজে একটি নির্ণায়ক ভোট দিতে পারবেন।

২১। তলবী সভা

বাংলাদেশ স্কাউটস এর গঠন ও নিয়ম

- (ক) কাউন্সিলের মোট সদস্যের শতকরা ৫০ জন যদি নির্দিষ্ট কারণ উল্লেখ করে লিখিতভাবে কাউন্সিলের তলবী সভা ডাকার প্রস্তাব করেন, তবে সভাপতি অথবা প্রধান জাতীয় কমিশনারের সাথে আলোচনা করে উপরোক্ত মর্মে অনুরোধ পাওয়ার ৩০ দিনের মধ্যে নির্বাহী পরিচালক তলবী সভা ডাকবেন। নির্ধারিত সময়ের মধ্যে নির্বাহী পরিচালক সভা ডাকতে ব্যর্থ হলে ঐ সভা ডাকার জন্য যাঁরা লিখিতভাবে অনুরোধ করেছিলেন তাঁদের শতকরা ৫০ জন মিলে নিজেরাই সভা ডাকতে পারবেন।
- (খ) কাউন্সিলের মোট সদস্য সংখ্যার দু'তৃতীয়াংশের উপস্থিতিতে তলবী সভার কোরাম হবে।
- (গ) তলবী সভায় কোরাম সংখ্যক সদস্য উপস্থিত না হলে সভা বাতিল বলে গণ্য হবে।

২২। উপদেষ্টা পরিষদ

- (ক) বাংলাদেশ স্কাউটসের একটি উপদেষ্টা পরিষদ থাকবে
- (খ) উক্ত উপদেষ্টা পরিষদের সদস্য হবেন- (১) বিগত সভাপতিবৃন্দ, (২) বিগত প্রধান জাতীয় কমিশনারবৃন্দ, (৩) বর্তমান সভাপতি, (৪) বর্তমান প্রধান জাতীয় কমিশনার, (৫) বাংলাদেশ থেকে নির্বাচিত এশিয়া প্যাসিফিক অঞ্চলের প্রাক্তন ও বর্তমান সদস্যবৃন্দ (যদি থাকেন) (৬) বাংলাদেশ থেকে নির্বাচিত/মনোনীত ওয়াল্ড স্কাউট কমিটির প্রাক্তন ও বর্তমান সদস্যবৃন্দ (যদি থাকেন)।
- (গ) বর্তমান সভাপতি এ পরিষদের সভাপতি হবেন এবং বর্তমান প্রধান জাতীয় কমিশনার হবেন সদস্য-সচিব।
- (ঘ) উপদেষ্টা পরিষদ প্রতি ৩ (তিন) মাসে কমপক্ষে একবার করে বছরে নূন্যতম ৪(চার) টি সভায় মিলিত হবেন। এই কমিটি প্রয়োজনে ৪(চার) টির অধিক সভায় মিলিত হতে পারবেন^{২২} এবং বাংলাদেশ স্কাউটস-এর বিভিন্ন কার্যক্রমের উপর তাঁদের সূচিক্রিত দিক নির্দেশনা প্রদান করবেন^{২৩}।